



59869

III

Med. St. Dr.

P

*Teol. 4364.*

*Traniewski Constantini Felicisani; Edictum contra  
Dissidentes.*



# CONSTANTINUS FELICIANUS

IN SZANIAWY

## SZANIAWSKI,

DEI & Apostolicæ Sedis Gratiâ,  
EPISCOPUS CRACOVIENSIS, DUX SEVERIÆ.



Universis & singulis, ad quos præsentium notitiâ regulatur, Salutem in Domino. Ecclesiam & Dioecesim Nostram Cracoviensem, cui Nos Dominus sponsavit in fide, optabamus non habentem maculam neq; rugam, & Vnius Pastoris unum esse ovile, nisi Æternæ Veritatis oracula, infallibili eventu complenda forent, inter electam Cælestis Patrisfamilias sementem, reperiri, quæ inimicus homo superfeminavit, zizania; & quo melius Orthodoxæ Religionis splendor eluceat, etiam hæreses esse oportere. Hac certè sentinâ, agrum hunc Domini Sabaoth, Hortum conclusum, & Terram verè Sacerdotalem, licet aliqua tantùm parte consistam, ex imo corde indolemus, & Pastoralis Officij Nostri munus, in quo Nos Dominus constituit, ut evelamus, destruamus, & dissipemus, & plantemus, animo revolventes, ministerio Nostro accincti, ubi evelle de plano, alienos à veritate Fidei errores, nondum venit tempus, ut saltem periculosa hæc zizania, usq; ad messem crescere relicta, ultra limites, aut radices non agant, aut frondes non extendant, tenemur dare operam. Quam aggredientes ante omnia, universos & singulos cujuscunq; Status & conditionis Dissidentes, intra fines Diæcesis Nostræ constitutos, in Domino hortamur, & obsecramus, at attendant ad Petram, unde excisi sunt, seu potiùs exciderunt, & ad S. Matris Ecclesiæ redeant gremium: Quòd si redire noluerint, noverint tamen, Nos suum esse Pastorem, & voci Nostræ obedientiam se debere, ex quo Ecclesiæ januam per Baptismum ingressi, ejusdem filij licet inobedientes, & subditi, quamvis recalcitrantes, sunt effecti. Mandamus proindè ipsis, & seriò præcipimus, ac eosdem monemus, ut omnes, qui Dignitates, Magistratus, Officia, Personis tantùm Catholicis competentia obtinent, aut Civitati Nostræ Cracoviensi, sive alijs, cum spe ac obligatione amplectendi fidem Catholicam, sunt adscripti, in spatio sex Mensium, obligationi suæ satisfaciunt, certò scientes per Nos curatum iri, ut ex Legum præscripto, cum renitentibus procedatur. Licet autem A catholici, exercitium suæ Religionis per conniventiam quasi Legum publicarum, habere prætendunt indultum, quia tamen in Regno Catholico degentes, per modum Accessorij, sequi suum principale, & Dominanti subordinari Religioni obligantur; idè studeant intra cancellos dissimulatæ sibi utcunq; tolerantia, se continere, & ultra Fana hæctenus indebitè usurpata, nulla alia denovo extruere, quinimò eadem si vetustate collabuntur, nullo prætextu, vel colore quæsito, contra multiplicatas Constitutiones Regni, reedificare, vel restaurare, aliàs demolienda: Festa & Solemnitates secundùm Calendarium Romanum observare, nec ad eorum, vel juniorum violationem, familiam Catholicam, sive subditos adigere; Nos enim contra secus facientes, rigorem juris extendemus, extendiq; curabimus. Prohibentes districte omnibus Ministris A catholicis, in Diæcesi Nostra reperibilibus, ne in Fanis suis novas & insolitas solemnitates praticare, extra Fana verò in domibus privatis, conventicula, devotiones, aut prædicationes facere, Ritus & caremonias suas quascunq; ibidem exercere, præjudicia Ecclesijs & Iuribus Parochialibus inferre, multò magis Catholicos ad amplectendam Sectam suam sollicitare, & inducere audeant; quinimò ut Ordinationibus Nostri, sive Antecessorum Nostrorum, nec non Decretis Visitationum, ad amulsim obtemperant; Censuris Ecclesiasticis innodatos ab ingressu Fani, communionem & sepulturâ arceant, iisdem præcipimus, sub pæna captivationis, carceris, proscriptionis, & alijs arbitrarijs rigidissimè irrogandis. Volumus insuper omnes Dissidentes scire, quòd ex eo, quia Cives aut Incolæ sunt, tum Patriæ, tum Diæcesis Nostræ, nec ullos limites extensionis suæ, circûscriptos habent, sed permixti Catholicis sub Parochijs degunt, teneri eos jure Parochiali, & subordinari Ecclesijs Parochialibus, quarum fines incolût, & proindè ad ea omnia obligari, ad quæ tenentur Parochiani, signatè autem, quatenùs Matrimonia, quorù valor ab assistentia proprij & legitimi Parochi dependet, non alibi, quàm in Ecclesijs Parochialibus Catholicis, & præmissis bânis, nisi aliter per Nos dispensatù fuerit, contrahant, ita disponente SS. Concil: Tridët: Sess. 24. c. 1. de Reform: Matrim: ubi S. Cõgregatio ejusdè Concilij Interpretum, respõdens Episcopo Tricaliensi, manifestè declarat: *Hæretici, in quorù Parochia dictù Decretum fuit publicatum: (quod utiq; in omnib; Parochijs Regni Poloniae est receptum:) tenentur præscriptâ formam observare, & propterea ipsorum Matrimonia, absq; forma Concilij, quavis coram Ministro Hæretico, vel Magistratu loci, cõtracta, sunt nulla.* In quo fundamèto per Tribunal S. Nunciaturæ Apostolicæ de Anno 1723. diæ Lunæ 25. 8bris in Causa Cracov: Matrimonium inter A catholicos, in Assistentia Ministri Hæretici contractù, nullum & irritum fuit declaratù. Talibus igitur obviando incõvenientiis, & Matrimoniorum, ac proles inde secutura, legitimitati consulendo; Prohibemus severè, Matrimonia inter A catholicos, in Fanis & coram Ministris Hæreticis celebrari, sed ea in Ecclesijs Catholicis in Assistentia proprij, & legitimi Parochi, cõtrahi debere volumus, & mādamus; & qui secus fecerint eisdè mutuam cohabitationè, donec de novo secundùm formam Tridentini contrahant, interdiciamus; Fiscaliqu; Curia Nostræ contra taliter facientes, & Ministros copulantes actionè reservamus. Et cum alias SS. Canones, Matrimonia inter Catholicam & Hæreticum vel è contra prohibeant, si tamen aliquando id expedire contingat, rem ad Nos deferri volumus, hoc præcautò, quatenùs proles tam mascula, quàm feminea ex tali Matrimonio proveniens, Catholicum sive Patrem, sive Matrem in Religione sequatur. Super quibus omnibus, seriam attendentiâ, Officialibus & Decanis foraneis, necnon Parochis locorum demandamus, obligantes eos in conscientia, ut si contra præsentem Ordinationem Nostram, quid per quempiam attentatum fuerit, ad Nos deferant, & contra transgressores, ubi, & coram quo venerit de iure, agere non intermittant. DEVM Patrem Omnipotentem humiliter obsecrantes, ut cunctis mundum hunc Iurisdictionis Nostræ circumferentialem, purget erroribus, sedentes in tenebris & umbra mortis, ad lumen veræ Fidei, & viam Vitæ æternæ reducat, & Vniversos Dissidenres, in Christo & Ecclesia unum faciat nobiscum. Hæc igitur omnia & singula, ut ad notitiam universorum deveniant, volumus præsens edictum Nostrum Typo impressum, viâ cursoriâ, per omnes Decanatus Diæcesis Nostræ transmitti, & in Ecclesijs tam ex Ambona, quàm per affixionem ad valvas, signanter in Civitate Nostra Cracoviensi, & in locis, in quibus A catholici reperiuntur, publicari. In quorum fidem Datum Kielcijs Die 10. Januarij. Anno Domini 1725.

Constantinus Szaniawski, Episcopus  
Cracoviensis. m. pp.

L. ✠ S.

Edictum contra Dissidentes.

Cyprianus Langi U. J. D. Canonus Visliciensis;  
Curia sua Illustrissima Coloniensis Aduarius, m. pp.

CONSTANTINUS PRINCIPALIS

IN SAALIA

SAALIA WSK I.

DEI & Apostolice Sedis Gratia

EPISCOPUS CRACOVENSIS DUX SEVERIAE

Blaise, a l'usage ad hoc... [The text is mirrored bleed-through from the reverse side of the page, appearing upside down and illegible.]

79885

*Handwritten note:* 1705 22 10 11

677

Blaise, a l'usage ad hoc... [The text is mirrored bleed-through from the reverse side of the page, appearing upside down and illegible.]



Constantinus Stanislawski, Episcopus  
Cracovensis a p.

L. 2.

*Small handwritten notes and markings at the bottom left corner.*



